



# ბიულეტენი

აფხაზეთის სულიერებისა და კულტურის ცენტრის  
ყოველთვიური საინფორმაციო ორგანო

№1 (62) იანვარი 2013 წელი



ვ უ დ რ მ ც ა ვ თ !

# ჩვენი ფაქტობრივი სტრატეგები

## შენსჯი „მკვლავთმკვლავი სახელმწიფო“. 2007 წელი



## შეხვედრა მთავრან ბაგრატიონსა და ზენს დადიან-ნიშოროზ თხინისთან. 2008 წელი



## შენსჯი „საქართველო და მსოფლიო“. 2008 წელი



ცენტრში: უნივერსი და უნივერსი ილია II, მეფე დანიელი (დათუაშვილი), აფხაზეთის უმაღლესი საბჭოს თავმჯდომარე ელგუჯა გვაზავა



პატრიარქისადმი მიძღვნილი ცეკვა „სლოური“. ასრულებს სახელმწიფო ანსამბლი „ერისიონი“



საშინაო ვახტანგოვ უწმინდესისა და უბეჯათოესის, სოფლითადასაწმინდოებისა  
ქათოთიქის - ჰეგონიანის, მკხეთის - თანდომისა და მთავრობის ქათისა,  
ბეჭეხთისა და კახეთ - აფხაზეთის მიწმინდოებისა იღოს !!

ყოველადამღვდელთა მღვდელთა-  
ვარსო, მოძღვარსო, დიაკონსო, ბერ-მო-  
ნოხოვნო, ყოველსო სულიერსო შეიღოს  
საქართველოს სამოციქულო ეკლესიისა,  
ღვთივეურთხეული ივერიის მკვიდრსო  
და ჩვენი სამშობლოს საზღვრებს გარეთ  
მცხოვრებნო თანამემამულენო!

„ამიერიდან უცხონი კი აღარა ხართ,  
არამედ წმიდანთა თანამოქალაქენი  
და ღმერთის სახლელენი“  
(ეფეს.2:19).

ათასწლოვანი მოლოდინი კაცთა მოდ-  
გმის ხსნისა დასრულდა. აღსრულდა მრავალ  
თაობათა ნატვრა, — იშვა იესო.

ოცი საუკუნის წინ აღმოზრწინებულ-  
ლი ბეთლემის ვარსკვლავი დღეს კვლავ  
ამცნობს სამყაროს ენით მიუწვდომელ  
საიდუმლოს ღვთის განხორციელებისა;  
სასწაულს, რომელსაც ვერასოდეს ჩან-  
ვდება ადამიანური გონება. საოცრებას,  
რომელსაც ვერასოდეს ნარმოიდგენდა  
თვით ანგელოზთა დასიც.

თითქმის არ არის არცერთი ქვეყანა,  
არცერთი ქრისტიანული ოჯახი, რომ არ  
ხარობდეს ამ დღის დადგომით, მაგრამ  
ფაქტია, რომ ბევრისთვის უცნობია ასეთი  
განწყობის ნამდვილი მიზეზი და ისიც, თუ  
რას ავალდებულებს ეს დღე ყოველ ადა-  
მიანს.

უმრავლესობა ვერ გვიპასუხებს,  
მაინც რა მიზნით მიიღო კაცობრივი ბუნე-  
ბა უფალმა? რა საჭირო იყო ეს? რა შეიც-  
ვალა მისი მოსვლით დედამიწაზე?

ამის გაგება ზოგიერთს არც კი აინტე-  
რესებს, მათთვის ისიც საკმარისია, რომ  
კარგი განწყობისა და მხიარულების რა-  
ღაც მიზეზი აქვთ. დაე, იყოს ეს ქრისტეს  
შობა, — არსობრივ მნიშვნელობას ამას  
არც ანიჭებენ. მათ კი, რომელნიც ნაკ-  
ლებად გაათვითცნობიერებულნი არიან  
სარწმუნოებაში, მაგრამ ცოდნის შექმნის  
სურვილი აქვთ, კიდევ ერთხელ შევახსე-  
ნებ წმინდა წერილს:

ადამი შემოქმედმა ხატად და მსგავ-  
სად თვისსა შექმნა და სამოთხეში ნეტარი  
ცხოვრება უბოძა, მაგრამ სამყაროს გვირ-  
გვინად და განმგებლად დადგინო კაცი  
თავისი ნებით, ამპარტავნებითა და უპა-  
სუხისმგებლო ქცევით ღმერთს განუდგა  
და მაცდურის მონობაში აღმოჩნდა. მას-  
თან ერთად დაეცა მინიერი სამყაროც,  
რომელიც მას ექვემდებარებოდა. ღვთის  
მადლით აღვსილი ჰარმონია, წმ. მაქსიმე  
აღმსარებლის სიტყვებით რომ ვთქვათ,  
ემმაკის ტირანიით განმსჭვალულმა სი-  
ძულელიმა და ურთიერთ დაპირისპირე-  
ბამ შეცვალა; ეს მდგომარეობა აისახა

როგორც ადამიანთა შორის ურთიერთ-  
ბებში, ისე ცხოველთა, მცენარეთა და  
საერთოდ, მთელი ბუნების არსებობის  
წესში: ყველაფერი დაექვემდებარა პრინ-  
ციპს, — ბრძოლა არსებობისათვის.

ასე რომ, ღმერთსა და ადამიანს შო-  
რის გადაულახავი უფსკრული გაჩნდა;  
ადამმა და ევამ და მათმა შთამომავლებ-  
მა დაკარგეს სულიწმიდის მადლი, რითაც  
შემოქმედთან კავშირი ხორციელდებო-  
და და რაც ღმერთთან მათი მსგავსების  
განმაპირობებელი უმთავრესი ფაქტორი  
იყო; ამ მადლს მოკლებულნი, მოაკლდნენ  
სწორ აზროვნებასა და ქმედებასაც. ცოდ-  
ვას ცოდვა შესძინეს და საკუთარ თავს მა-  
რადიული სიკვდილი განუშზადაეს.

ამ რეალობის შეცვლის შესაძლებლო-  
ბა კი აღარ არსებობდა, რადგან კაცთა  
ხსნა მხოლოდ ისეთ ადამიანს შეეძლო,  
რომელიც უცოდველი იყო და ხელენი-  
ფეროდა სხვათა სიმძიმე ეტვირთა. ასე-  
თი კი, ამქვეყნად არ იპოვებოდა, რადგან  
პირველქმნილი ცოდვა ყველას მემკვიდ-  
რეობით გადაეცემოდა და ამას კიდევ  
ცალკეული ადამიანის პირადი ცოდვებიც  
ემატებოდა.

ყოველივე ხილულისა და უხილავის  
შემოქმედმა და განმგებელმა ცანი მოდ-  
რიკნა, ადამიანური ბუნება მიიღო და  
ჩვენი ხსნისათვის დავითის ქალაქში, ბეთ-  
ლემში, იშვა.

აქ, ბაგაში, სიცივესა და სიმწირეში  
დაიბადა ახალი ადამი, — იესო, რათა ამ-  
პარტავნებით დაცემული ძველი ადამის  
ცოდვა გამოეყვიდა, მართალთა სულები  
ჯოჯოხეთიდან ეხსნა და ღმერთთან კავ-  
შირი აღედგინა. აი, ეს არის ჩვენი დიდი  
სიხარულის მიზეზი, სათავე ენით გა-  
მოუთქმელი ბედნიერებისა. სხვა რა უნდა  
შევადაროთ ამ დღის სიდიადეს?!

როგორ ხორციელდება პირველქმნილ  
ჰარმონიასთან ჩვენი დაბრუნება?

პირველ რიგში ქრისტიანული ნათ-  
ლისლებით.

„ბეჭედი მონიჭებულ არს სულისა  
მიერ წმიდისა, ამინ!“ — ამბობს საიდუმ-  
ლოს აღსრულებისას მოძღვარი და შვიდ-  
ჯერ სცხებს მირონს მას, ვინც ინათლება,  
რითაც ადამიანს ენიჭება სულიწმიდის  
მადლი და ეძლევა განღმერთობისა და ნე-  
ტარი მარადიულობის დამკვიდრების შე-  
საძლებლობა.

ამ მიუწვდომელი წყალობის გამო  
წმინდა მამები, დავით წინასწარმეტყ-  
ველის მსგავსად, საუკუნეთა მანძილზე  
გულწრფელად გაოცებულნი კითხულობ-  
დნენ: „რად არს კაცი, რამეთუ მოიხსენე  
მისი, კანუ ძე კაცისაი, რამეთუ მოხედავ  
მას?“ (ფს. 8:4).

ჩვენი ხსნისათვის მაცხოვრის თავ-  
განწირვა, უდიდეს პასუხისმგებლობას  
გვაკისრებს და ამ ეპისტოლეში სწორედ  
აღნიშნულ გრძობაზე მინდა განსაკუთ-  
რებით გავამახვილო ყურადღება.

ეს თვისება ადამიანში ასაკთან ერთად  
ვითარდება; ამასთან, რამდენადაც მაღალ  
სულიერ საფეხურზე იმყოფება ესა თუ ის  
პიროვნება, მით მეტად არის მასში ეს გან-  
ცდა.

პავლე მოციქული ამბობს: „როდესაც  
ვიყავი ყრმა ვიტყოდი, როგორც ყრმა,  
ფიქრობდი, როგორც ყრმა, ვმსჯელობ-  
დი, როგორც ყრმა; ხოლო როდესაც დაე-  
კაცდი, ზურგი ვაქციე ყოველივე ყრმობის  
დროინდელს (I კორ. 13:11).

ჩვენი გვერთებს ყრმობიდან გამოს-  
ვლა ანუ სულიერი გაზრდა და გაცნობი-  
ერება ჩვენი პასუხისმგებლობისა უპირ-  
ველეს ყოვლისა შემომქმედს — უფლის,  
სამშობლოს და მოყვასის წინაშე; პასუხის-  
მგებლობისა როგორც ცოცხლების, ისე  
გარდაცვლილების მიმართ, რაც გულის-  
ხმობს ჩვენს ვალდებულებებს მშობლებ-  
თან, ოჯახთან, მეგობრებთან, ნათესავებ-  
თან, მეზობლებთან მიმართებაში, ასევე  
სამსახურებრივ პასუხისმგებლობას.

ჩვენი წინაპრები თავიანთ შვილებს  
ბავშვობიდან უღვივებდნენ ამ გრძობას.  
ამიტომაც იყო ჩვენი ერი ძლიერი. მიუხე-  
დავად განუწყვეტელი ომებისა, იგი იბრ-  
ძოდა-კიდევ და ამასთან, დაუღალავად  
შრომობდა და ქმნიდა.

რწმენისა და მამულის დასაცავად სა-  
ჭიროების შემთხვევაში ქუდზე კაცი გა-  
მოდიოდა. საერთოდ კი ოჯახში, სოფელ-  
სა თუ თემში ყველას თავისი პასუხისმ-  
გებლობა ჰქონდა: მეფე ზრუნავდა მთელს  
ერზე, თავადა-წინაურობა პატრონობდა  
და ხმლით იცავდა თავის ტერიტორიაზე  
მცხოვრებთ; ეკლესია ანათლებდა და  
სულიერად ამტკიცებდა ერს, სამწყსოს;  
გლეხები ქმნიდნენ დოვლათს; ყველანი  
ერთად კი შეადგენდნენ ჩვენი ქვეყნის  
ერთიან, მთლიან ცოცხალ ორგანიზმს,  
სადაც თითოეული თავისი შესაძლებლო-  
ბის ფარგლებში ემსახურებოდა ღმერთს  
და ქვეყანას.

რომელიმე მათგანის დაძაბუნება  
ინვევდა ყველას დასუსტებას, რადგან  
არცერთი მათგანის ფუნქცია არ იყო უმ-  
ნიშვნელო; თუმცა რაც უფრო მაღალი  
იყო ნოდება და თანამდებობა, მით მეტი  
იყო პასუხისმგებლობაც. ეს კი ხშირად  
სიცოცხლის განწირვას მოითხოვდა. ზოგ-  
ჯერ მეფის ან სასულიერო პირის თავდა-  
დება იყო საკმარისი, მაგ. წმ. დემეტრე  
თავდადებული, წმ. ევდემოზ კათოლი-

(გაგრძელება მე-4 გვ.)

(დასაწყისი მე-3 გვ.)

კოსი, ზოგჯერ კი მთელი ერის, — მაგ. 100000 მონამის.

თავისუფლება და პასუხისმგებლობა ურთიერთდაკავშირებული ცნებებია. ვინც თავისუფლებას კარგავს, მონურ მდგომარეობაში ვარდება და პასუხისმგებლობის განცდაც უქვეითდება.

გავიხსენოთ, რა მოხდა დამოუკიდებლობის დაკარგვის შემდეგ საქართველოში: მთელი ეს ჰარმონიული სისტემა მოიშალა, მეფის ხელისუფლება და ეკლესიის დამოუკიდებლობა გაუქმდა, ძალაუფლება უცხო ძალის ხელში გადავიდა, რის შედეგადაც თავადაზნაურობა უგულო ბატონად იქცა, ყოველივე ეს კი მთელი სიმწვავეთი გლექსაცობაზე აისახა.

ქართველმა კაცმა მისთვის დამახასიათებელი ცხოვრების წესი ძირფესვიანად შეცვალა. საქვეყნო საზრუნავის ადგილი პირადულმა დაიკავა. სამშობლოზე ფიქრის ნაცვლად მისი გონება მხოლოდ საკუთარ კარ-მიდამოსა და ოჯახზე ზრუნვამ მოიცვა.

დიდმა ილიამ ეს პრობლემა ცნობილი ლექსით, — “ბედნიერი ერი” — ნათლად დაგვანახა.

ერის უპასუხისმგებლო მდგომარეობამ მიგვიყვანა იქამდე, რომ 1918 წელს წმინდა ილია მართლის ეროვნული გზის ნაცვლად ხალხმა უცხო ქვეყნის ათვისების პარტია აირჩია. შემდეგ კი კიდევ უფრო სამსუხარო შედეგმაც არ დააყოვნა და მოკლე ხანში ქვეყანა კომუნისტური იმპერიის ნაწილი გახდა.

უფალი, მართალია, სამართლიანია, მაგრამ, ამავე დროს მონყალეც, რომელიც არა ცოდვითაა ჩვენთაებრ მოგვაგებს, არამედ ჩვენი გამოსწორებისათვის გვწვრთნის იმის გათვალისწინებით, თუ რამდენის დატყვენა შეგვიძლია.

ამიტომაც რა მდგომარეობაშიც არ უნდა ვიყოთ, გაცილებით უკეთესად ვართ, ვიდრე ვიმსახურებთ და მრავალჭირგამოვლილი ვართ. იოანე ოქროპირის მსგავსად მუდამ მადლობას უნდა ვწირავდეთ ღმერთს ყველაფრისათვის. და თუ გვსურს, მდგომარეობის გამოსწორება, უნდა ვიტვირთოთ ჩვენი წილი პასუხისმგებლობა და უფლის წყალობა ამით მოვიპოვოთ. ეს არის ყველაზე მთავარი. ჩვენით კი ვერაფერს გავხდებით. მხოლოდ საკუთარ შესაძლებლობებზე დაყრდნობა დამლუპველი იყო და იქნება ყოველთვის.

სამწუხაროდ, თითოეული ჩვენგანს დღესაც გვაკლია პასუხისმგებლობის გრძნობა. ჩვენ გულგრილი ქრისტიანები ვართ, ნელ-თბილნი, და ამიტომაც დიდ შეცდომებს ვუშვებთ. ჩვენში მძლავრობს ეგოისტური ზრახვები და „მე“ პრინციპი, რაც ჭეშმარიტ ღირებულებათა დამანგრეველია.

ჩვენი სულიერი სისუსტის გამოვლინებაა თუნდაც ის, რომ დღესასწაულებს ფაქტობრივად მიწიერი გრძნობებით ვეგებებით და რეალური განცდა ცოცხალ ღმერთთან ურთიერთობისა, არა გვაქვს.

რომ ჩვენს გარშემო ვამჩნევთ მხოლოდ იმ ადამიანებს, რომლებიც გვიყვარს ან გვძულს, სხვა უბრალო ადამიანები კი ყურადღების მიღმა გვრჩება. ღვთის წინაშე კი დიდი და მცირე არ არსებობს.

რომ ცოდვა აღარ გვანუხებს და მისი სიმძიმის განცდაც აღარ გვაქვს.

რომ თითქმის განყვეტილი გვაქვს კავშირი ბუნებასთან, მისდამი მხოლოდ მომხმარებლურ დამოკიდებულებას ვიჩენთ და ჩვენი უპასუხისმგებლო ქცევით ვანადგურებთ მის სიკეთეთ.

ჩვენი დანაშაულია ისიც, რომ კარგად არ ვიცნობთ ჩვენს წარსულს, ჩვენს ისტორიას; არადა მისი ცოდნა გვეხმარება, რომ არ მოვწყდეთ ჩვენს ფესვებს, საკუთარი თავი შევიცნოთ და სიცოცხლის აზრიც ნათლად გავაცნობიეროთ.

არაერთხელ მითქვამს ისიც, რომ დღეს ინფორმაციული ომის ყაში დგას, კალმით ანუ სიტყვით ბრძოლის დრო. მასთან შეჭიდება კი გონიერმა, მცოდნე და ამასთან ღვთისმოყვარე ადამიანებმა უნდა იტვირთონ. უნდა შევძლოთ, ყალბი იდეალების ბატონობის ჩვენს ხანაში გავხდეთ სულიერად უფრო მტკიცენი და ძლიერნი, რათა გავიმარჯვოთ.

განსაკუთრებით მინდა მივმართო ახალგაზრდებს და ვთხოვო: გაუძლიეთ ინფორმაციულ შემოტევას, რომელიც ნიაღვარივით მოედინება მასმედიიდან და ცდილობს, ცრუ ღირებულებების გავლენის ქვეშ მოგაქციოთ, არ გახდეთ თანაზიარნი ფსევდოკულტურისა, რომელიც ამახინჯებს ფსიქიკას, აუხეშებს გრძნობებს და აცარიელებს შინაგან სამყაროს.

შეიყვარეთ წიგნი, ისწავლეთ ღრმად აზროვნება, ისწავლეთ ღმერთის შიში და სიყვარული, რომ ღვთისმშობლის წილხვედრი ქვეყნის ერთგული მეციხოვნენი გახდეთ.

დრო მცირე გვაქვს და არ უნდა აღმოვჩნდეთ იმ ხუთი ქალწულის მდგომარეობაში, რომელთა კანდელსაც უფლის მოსვლისას საკმარისი ზეთი არ აღმოაჩინდა და მიუხედავად იმისა, რომ იყვნენ მორწმუნენი და უფლის მომლოდინენი, ვერ შევიდნენ ღვთის საუფლოში.

ბოროტის გავლენისაგან თავის დაღწევა დიდ ძალისხმევას მოითხოვს და ეს მხოლოდ ძლიერ პიროვნებებს შეუძლიათ, ანუ მათ, რომელნიც საკუთარ ნებას გააზრებულად უმორჩილებენ ღვთის ნებას და ამქვეყნიურ საცდურთა წინააღმდეგ ბრძოლას არ უშინდებიან.

ყოველი ქრისტიანი უპირველეს ყოვლისა სწორედ ასეთი პიროვნება უნდა იყოს, — ჭეშმარიტად თავისუფალი და სულიერად ძლიერი, რათა ერს ხერხემლად ექცეს. ასეთი ადამიანების აღზრდის საქმეში ეკლესიას დიდი როლი აკისრია.

საერთოდ, ეკლესია ხელს უწყობს საზოგადოების განვითარებას; იგი ის მაცხოვრებელი წიაღი, რომელიც ინარჩუნებს საუკეთესო ტრადიციებს და აქვს რა უცვალებელი რჯული და მოძღვრება, ყველა ეპოქაში მოწმობს ჭეშმარიტების შესახებ.

გავიხსენოთ თუნდაც ის ფაქტი, რომ საერთაშორისო საზოგადოება მხოლოდ მე-20 საუკუნის ბოლოს მიუახლოვდა ადამიანთა თანასწორობის შესახებ ღირებულებათა იმ სტანდარტებს და ფასეულობებს, რასაც ეკლესია ოცი საუკუნის წინ ქადაგებდა. მონათმფლობელობის და ფეოდალიზმის პერიოდში, ძალმომრეობისა და დაუნდობლობის ხანაში, ქრისტეს სახარება მოუწოდებდა ხალხს თანასწორობისაკენ.

ყოველი ქრისტიანის ცხოვრება აბსოლუტურად თავისუფალია და ეკლესიის წევრობაც მხოლოდ მის თავისუფალ ნებაზეა დაფუძნებული. თითოეული მრევლის წევრი მხოლოდ საკუთარი სინდისით არის დაკავშირებული მოძღვართან და ერთ-ერთი უმთავრესი საიდუმლოც სინანულისა მხოლოდ მის პირად პასუხისმგებლობაზეა დამოკიდებული, — ადამიანი დამოუკიდებლად წყვეტს, რას იტყვის აღსარებაში და იმასაც, რამდენად იქნება ეს ნათქვამი სინანულით გაჯერებული.

სრული თავისუფლებით მომქმედი და, ამავე დროს, ჭეშმარიტი სინანულით განმსჭვალული პიროვნება იღებს სულიწმინდის მადლს, რომელიც ცვლის მის სულიერ და ყოფით სამყაროს და მას ღვთის სათნო შვილად აქცევს; შემდეგ კი უკვე იგი თვითონ ხდება გზის მაჩვენებელი სხვათათვის; ამაზე ნერდა წმინდა სერაფიმე საროველი: მოიხვეჭე სულიწმინდის მადლი და შენს გარშემო ათასები ცხოვდებათ.

თითოეული ჩვენგანი ვალდებულია, მოიპოვოს სულის სიღრმეში დამალული უფლისგან ბოძებული ეს საჩუქარი, ვალდებულია, ააღორძინოს იგი, რათა ღირსეულად აღასრულოს თავისი ვალი ამ ნუთისოფელში და შემდეგ ჩვენს დიდებულ წინაპართა მსგავსად ზეცის მოქალაქეობა მოიპოვოს.

შორეული ქვეყნებიდან ახლადშობილი იესო ქრისტეს თავყანისსაცემად მიდიან აღმოსავლენი მოგენი, მიდიან მწყემსნიც თავისი გულწრფელობით, ანგელოზთა გალობის მსმენნი. მაშ, წავიდეთ ჩვენც, რათა ვიხილოთ ბაგასა მწოლი იესოს დიდებულება და აღარასოდეს განვმორდეთ, რადგან საუკუნო სიცოცხლის სიტყვები მასა აქვს მხოლოდ. (ინ. 6:68).

„ნათელი ქრისტესი განგვანათლებს ყოველთა!“

ჩემო სულიერო შვილებო, ჩემო ნათლულუბო, ყოველნი ქართველნი, აფხაზნი, ოსნი, ბერძენნი, რუსნი, ასირიელნი, იეზიდნი და ქურთნი, სომეხნი, აზერბაიჯანელნი, უკრაინელნი და უდინნი... ყველას გილოცავთ ქრისტეს შობის ბრწყინვალე დღესასწაულს. უფალმა მოგანიჭოთ მადლი სულისა წმინდისა, რათა იხაროთ ორსავე სოფელსა შინა, ამინ!

თქვენთვის მლოცველი

ილია II

სრულიად საქართველოს

კათოლიკოს-პატრიარქი.

შობა ქრისტესი.

თბილისი, 2013 წელი.

თქვენო უწმიდესობა,

ნება მიბოძეთ აფხაზეთის სულიერებისა და კულტურის ცენტრის თანამშრომელთა და ჩემი სახელით მოგილოცოთ თქვენ, სრულიად საქართველოს კათოლიკოს-პატრიარქს ღირსშესანიშნავი თარიღები — აღსაყდრებისა და დაბადების დღეები.

დღეს თქვენ, ყველა სხვა მოვალეობასთან ერთად, იტვირთეთ დროის სირთულით დამძიმებული ყველა სიძნელე, როგორც ბიჭვინთისა და ცხუმ-აფხაზეთის მიტროპოლიტმა. ეს გარემოება დიდი აზრის შემცველია არა მარტო ჩვენთვის, საქართველოს, აფხაზეთის მკვიდრთათვის, არამედ მთელი ქრისტიანული სამყაროსათვის. თქვენ ის დიდებული მშვიდობისმყოფელი ბრძანდებით, რომელსაც თან მოაქვს ძმათა შორის სიყვარული და მშვიდობა — კაცობრიობის მარადიული იდეალები, მარადიული იდეალები ცალკეული ადამიანებისა და ხალხებისა. და ჩვენ ვიცით, რომ მშვიდობა — უფლის საჩუქარია და მისგან მოდის, და გვეძლევა, როგორც გვირგვინი და ნაყოფი ზნეობრივი ძალისხმევისა და სიკეთისა. მთელი თქვენი ცხოვრება, თქვენი ლოცვები მშვიდობისა და სიყვარულისათვის გვაძლევს ძალას ჩვენ, ქვეყნის უბრალო მოქალაქეებს, ვემსახუროთ თქვენი მაგალითისამებრ, მშვიდობის დამყარებას, აღვავლინოთ ლოცვა მაშინაც კი, როდესაც უფლის გარდა, ყველასათვის უცნობებად ვჩვენებთ. ჩვენ თქვენში ქრისტიანული სინამდის მატარებელს ვხედავთ. გულს ხვდება თქვენი სიტყვები, მოქმედება, თქვენი სურვილი,

დაუღალავად ეძიოთ სიმართლე, იყოთ აღსავსე ქრისტეს ღვთაებრივი სწავლებით. მე შემძრა თქვენმა დამოკიდებულებამ ვაჟა-ფშაველას სიტყვებისადმი, როდესაც დიდებული მგოსანი ამბობს: „ბალახი ვიყო სათიბი, არა მწადიან ცელობა, ცხვრადვე მამყოფე ისევა, ოღონდ ამშორდეს მგელობა“. ეს მორჩილება დამახასიათებელია თქვენთვის ისევე, როგორც სიყვარული, უდიდესი სიყვარული ადამიანებისადმი. თქვენ შეგეძლოთ გაემეორებინათ იოანე ოქროპირის გულშიჩამწვდომი სიტყვები: „ქრისტეს აღდგომის დიდებულ დღესასწაულზე მოდით ყველანი, ვინც მარხულობით და ისინიც, ვინც მარხვას არ იცავდა, ადრე თუ გვიან მოსულები, ყველანი მოდით... ამ დიდებულ დღეს ყველასათვის ღიაა ღვთაებრივი სიყვარულის კარი“.

იესო სირახი ამბობს: „გაადნე ოქრო და ვერცხლი, რაც გაქვს, რათა გააკეთო მისგან სასწორი, რომელიც აწინის შენს სიტყვას, რათა გამოქვიცო სანდო ლაგამი, რომელიც შეაკავებს შენს ბაგეებს“. მაგრამ მე მაინც არ შემიძლია არ ვთქვა მხურვალე მადლიერების გამოხატვები სიტყვები, არ გამოვიყო ის ფაქტი, რომელიც ნათელია ჩვენთვის, აფხაზეთის მცხოვრებთათვის: განსაკუთრებული ყურადღება, განსაკუთრებული სიყვარული ჩვენადმი, იმ მინის ადამიანებისადმი, რომელიც თქვენთვისაც იყო და რჩება უძვირფასეს ადგილად სამყაროში. განსაკუთრებული შფოთის დღეებში,

როცა სული განსაკუთრებული განსაცდელის დროს აცნობიერებს, რომ არ შეუძლია საკუთარ თავს თვითონ უშველოს და ევედრება უფალს: „უფალო, შემინყალე, ნუ მიმატოვებ, უფალო, შემინდე და შემინყალე“. მაშინ ჩვენ მოვისწრაფით თქვენკენ, თქვენში ვეძიებთ მხარდაჭერასა და საყრდენს — თქვენს სიტყვებში, ლოცვაში, თქვენს მზერაში, სიყვარულში, რომელსაც გვჩუქნით უშურველად.

სიყვარული — ყველაზე მტკიცეა, ყველაზე მშვენიერი ყველა კავშირის შორის, რომელსაც, ადამიანის შეზღუდულობის მიუხედავად, ხელენიფება შეიყვანოს იგი მარადიული მშვიდობისა და უსასრულო ჰარმონიის სფეროში. თქვენ გვაახლოებთ ჩვენ უფალთან და არ ითხოვთ თქვენი სამწყსოსაგან განსაკუთრებულ გმირობას, მიიჩნევთ რა, რომ არ სჭირდება იძულება მას, ვისშიც სულიწმიდის მადლია დავანებული, მას, ვინც დაუღალავად ეძიებს სიმართლეს, ჭეშმარიტებას და ვინც აღსავსეა სწრაფვით ეზიაროს ქრისტეს ღვთაებრივ სწავლებას.

მადლობას გწირავთ ყველაფრისათვის. გისურვებთ ჯანმრთელობას და დღეგრძელობას. თქვენ სჭირდებით საქართველოს ხალხს, ყველას, ვისაც შესწევს უნარი დააფასოს აზრი და არსი თქვენი მოღვაწეობისა, მოღვაწეობისა თქვენი ხალხის და, შესაბამისად, მთელი კაცობრიობის საკეთილდღეოდ.

სვეტლანა ქიცვა

აფხაზეთის სულიერებისა და კულტურის ცენტრის თავმჯდომარე

გუგაზეთის ახალი აკადემიური კერის მუშაობის დასაწყისი

მრავალფეროვანი და მრავალნაზნაგოვანი ქართული ეკლესიის საჭეთმპყრობლის ილია II მოღვაწეობის სფერო. განსაკუთრებით უნდა აღინიშნოს მისი საქმიანობა განათლებისა და მეცნიერების განვითარების მიმართულებით. უწმიდესისა და უნეტარესის ღვანლით თბილისში ჩამოყალიბდა სასულიერო აკადემია. მისი ლოცვა-კურთხევით ეპარქიებში გაიხსნა სასულიერო გიმნაზიები, სასწავლებლები, სემინარიები, წმ. თამარ მეფის სახელობისა და ტბელ აბუსერიძის სახელობის სასწავლო უნივერსიტეტები შესაბამისად თბილისსა და ხონში. ქართულ საგანმანათლებლო სივრცეში დიდი ავტორიტეტით სარგებლობს წმიდა ანდრია პირველწოდებულის სახელობის ქართული უნივერსიტეტი, რომელიც საქართველოს პატრიარქის თაოსნობით შეიქმნა. საქართველოს საპატრიარქოს თანადგომით ახალ საფეხურზე ავიდა გელათის მეცნიერებათა აკადემიის საქმიანობა.

კერის — ცხუმ-აფხაზეთის მეცნიერებათა აკადემიის — დაარსების საქმეში, რაც ნაკლებადაა ცნობილი საზოგადოების ფართო წრეებისათვის. 2010 წლის გაზაფხულზე აფხაზეთიდან დევნილ მეცნიერთა საინიციატივო ჯგუფმა გადაწყვიტა საქართველოს საპატრიარქოსთან დაეარსებინა ცხუმ-აფხაზეთის მეცნიერებათა აკადემია, რომელიც ხელს შეუწყობდა იძულებით გადაადგილებულ მკვლევრებს სამეცნიერო მუშაობის წარმართვასა და კოორდინირებაში. მათ თხოვნით მიმართეს მაშინდელ ცხუმ-აფხაზეთის მიტროპოლიტს მეუფე დანიელს (დათუაშვილი) ემუშაებოდა უწმიდესისა და უნეტარესის ნინაშე. პატრიარქი დიდი გულისყურით მოეკიდა ამ ინიციატივას და 2010 წლის 20 მაისს მისცა ლოცვა-კურთხევა. საინიციატივო ჯგუფმა უმოკლეს ვადაში განახორციელა მოსამზადებელი სამუშაოები. 2011 წლის 18 იანვარს ცხუმ-აფხაზეთის მეცნიერებათა აკადემია ოფიციალურად შეუდგა ფუნქციონირებას. აკადემიამ შემოიკრიბა დევნილ მეცნიერთა დიდი ნაწილი, თბილისისა

და საქართველოს რეგიონებში მომუშავე სხვადასხვა დარგის სწავლულები. აკადემიის ერთ-ერთი უპირველესი ამოცანაა თავის საქმიანობაში ჩართოს და დახმარება გაუწიოს ცხინვალის რეგიონიდან იძულებით გადაადგილებულ მეცნიერებს. ცხუმ-აფხაზეთის მეცნიერებათა აკადემია არის მრავალდარგოვანი სამეცნიერო ცენტრი, რომელიც აერთიანებს სხვადასხვა სამეცნიერო მიმართულების სპეციალისტებს. აკადემიაში ფუნქციონირებს 8 სამეცნიერო-კვლევითი ინსტიტუტი, მათ შორის, მათემატიკისა და კომპიუტერულ მეცნიერებათა, საბუნებისმეტყველო მეცნიერებათა, ფილოსოფიის, სოციოლოგიისა და პოლიტოლოგიის, ეკონომიკისა და ბიზნესის ადმინისტრირების ინსტიტუტები. აღსანიშნავია, რომ პირველად საქართველოში აკადემიაში ჩამოყალიბდა რელიგიათმცოდნეობის ინსტიტუტი, რომელიც იკვლევს ქრისტიანობის აქტუალურ პრობლემებს, რელიგიის ისტორიის, რელიგიის სოციოლოგიის, რელიგიის ფსი-

(გაგრძელება მე-8 გვ.)







# მწი სტე მთები

აუხეხეთინ სეროჟოჟინა და შალუჟინ სენთინი მამუჯლოჟინი  
სენთინი მამუჯინ დაჟირლოჟინა სემოჟინოჟინი მამუჯინი შამოლოჟინი  
ჟირლოჟინი - ზე. ბოჟინი მამუჯინ მამუჯინი. 2011 წლის 7 იანვარი



## შენთლოჟინი ზატოჟინი



სენთლოჟინი კონკურსების ლაურეატი მამუჯინი;  
რთილთან - პროფესორი თემურ ელიაჟინი. 2007 წ.



საქართველოს სახალხო არტისტი, რუსთაველის სახელმწიფო და  
ფალიაშვილის პრემიების ლაურეატი, მთხოვის დიდი თეატრის  
სოლისტი ზურაბ სოტკვილაჟინი, მამუჯინი გულთღვაჟინი, მამუჯინი და  
თამარ მენთლოჟინი. 2010 წ.



ვლადისტა სენთლოჟინი კონკურსის ლაურეატი გოჩა  
აბულაძე რთილთან - საქართველოს სახალხო არტისტი  
ვაჟინი ჩაჩაჟინი. 2010 წ.



რულოლოჟინი ნამუჯინი უნმოდესთან. 2012 წ.

(დასაწყისი მე-5 გვ.)

ქოლოგიისა და სამართლის საკითხებს. უმოკლეს დროში ინსტიტუტმა გამოსცა სახელმძღვანელოები ქრისტიანობის ისტორიაში, რომლებიც ფართოდ გამოიყენება საქართველოს უმაღლეს სასწავლებლებში.

აკადემიაში ფუნქციონირებს დიმიტრი გულისას სახელობის ისტორიის, ენისა და კულტურის ინსტიტუტი, სადაც სხვა საკითხებთან ერთად ინტენსიურად მიმდინარეობს მუშაობა ქართული, აფხაზური, რუსული, ევროპული და ჩრდილოეთკავკასიური ენების შესწავლაზე. პროფესორ ოთარ ჭურღულიას სახელობის ლიტერატურის ინსტიტუტში კვლევის ერთ-ერთი ძირითადი მიმართულებაა ქართული ლიტერატურული ურთიერთობების შესწავლა აფხაზური და კავკასიის სხვა ხალხების ლიტერატურული

ურთიერთობების ჭრილში და ა.შ.

ცხუმ-აფხაზეთის მეცნიერებათა აკადემია გამოსცემს შრომებს, რომელშიც იბეჭდება როგორც აკადემიის წევრების, ასევე სხვა ქართველ და უცხოელ მეცნიერთა შრომები.

აკადემიის წევრთათვის დაუენიყარი იყო უწმიდესსა და უნეტარესთან ილია II-თან შეხვედრა 2012 წლის თებერვალში. შეხვედრაზე საქართველოს პატრიარქმა მოისმინა აკადემიის ხელმძღვანელის ანგარიში განუელი მუშაობის შესახებ. თავის გამოსვლაში კათოლიკოს-პატრიარქმა ყურადღება გაამახვილა მეცნიერების სხვადასხვა დარგის განვითარების აუცილებლობაზე, რომელთაც პრაქტიკული მნიშვნელობა აქვთ საქართველოს შემდგომი ეკონომიკური, კულტურული და სულიერი წინსვლისათვის; რწმენისა და მეცნიერული ცოდნის ურთიერთკავშირზე, აკადემიას

დაუსახა უახლესი ამოცანები და სამომავლო პრესპექტივები.

ცხუმ-აფხაზეთის მეცნიერებათა აკადემია ძალ-ღონეს არ იშურებს პრაქტიკულად განახორციელოს უწმიდესისა და უნეტარესის მითითებანი და კიდევ უფრო აამაღლოს აფხაზეთიდან დევნილი სწავლულების სამეცნიერო პოტენციალი.

ცხუმ-აფხაზეთის მეცნიერებათა აკადემიის ყველა წევრი გულითადად ულოცავს სრულიად საქართველოს კათოლიკოს-პატრიარქს, უწმიდესსა და უნეტარეს ილია II აღსაყდრების 35 და დაბადების 80 წლისთავს, უსურვებს დიდხანს სიცოცხლეს ჩვენი ქვეყნის, ერისა და ეკლესიის სასიკეთოდ.

**ოთარ შორღანი**  
*ცხუმ-აფხაზეთის მეცნიერებათა აკადემიის პრეზიდენტი*

გაწარმართებულ ვრს მოყვლიან წინამძღვრად, მამად, ოცდათხუთმეტი წელია გავწრთინის და გემომღვრანვს მოციქულისა ზაფლესა დარად, სიყვარულით, მოთმინებითა და შეკონებით ცდილობს გვიჩვიოს ბორატებანჟე სიყეთის ძალა, ჯგარზე გავრული, უდრტენივლად მოუძღვება მაცსოფრის ფარას, იყრის ეველა წმინდანის მოსახებას იფარებს ფარად და დედა ღვთისმშობლის მოწულებას — იმედის კარად; მუხლმოფრილი წმიდა სამებას ევერდება კვალად და კვალად; შეადუღბაოს ქართველობა უმტკიცეს რვალად, ქრისტეს მსხედრბად, სარწმუნოების სადარაჯოზე ერთუვლად მდვარად,

ღვთის და მამულის სიყვარულით გულანთუბულნი ვდგებოდეთ მუარად. ამა სოფლის უსიერ ტეეში გნანხულებს მისი ღოცვის ნათელი გვფარავს, მისი ღიმილით გულგამბარნი გუსსამლისს მიფინწეთ არად, მის სახეზე ბეგრჯერ გვინილავს თანავრძნობის თუ სისარულის ცრემლები ღვარად... მისი „მზიანი ღამის“ კურთხევა გვეპურებოდეს სუციურ ცვარად, უბერებელი მისი მზეობა ქუფრს გვინათებდეს დარად, და ღვთის გლობას გვიბოძებდეს ვით სავდრებელს მარადს...

**მონაზონი ელიენა (ნაფატვარიძე)**

ერთხელ მეგობარმა მითხრა — წარმოუდგენლად დიდი ნყალობა გვერგოწილად, რომ უფალმა მართლმადიდებლებად გავგაჩინა და დაბადებისთანავე ჭემმარტებას გვაზიარა.

ვემადლობ უფალს ამისათვის და კიდევ იმისათვის, რომ ჩემი ცხოვრების ხანგრძლივი მონაკვეთი თქვენს საჭეთმპყრობელობას ემთხვევა, ვარ თქვენი უდიდესი, მადლით აღესილი ღვანლის მომსწრე და მიმღები და მაქვს შესაძლებლობა, უკვე მეორედ, მოგილოცოთ აღსაყდრებისა და დაბადების დღეები.

თქვენო უწმიდესობავ, თქვენი სულიერი შვილებისათვის, და მათ შორის

ჩემთვის, უწმიდესელოვანესია თქვენი თითოეული სიტყვა, თქვენს თვალბეში ამოკითხული სევდა თუ სიხარული. თქვენი ყოვლისმომცველი სიყვარულით აღსაყვე ღიმილი ჩვენითვის სიკეთის მაუწყებელი, იმედის ჩამსახველია, რომ ქვეყანა დამშვიდდება და თითოეული ადამიანის სულში სიკეთე და სიყვარული დაისადგურებს, კეთილგონიერება — გონიერებაზე, ხოლო მოყვასის სიყვარული პატივმოყვარეობაზე უპირატესი იქნება.

თქვენო უწმიდესობავ, მინდა გისურვოთ ურყევი ჯანმრთელობა, რათა ძალიან დიდი ხნის განმავლობაში ატაროთ

მძიმე ტვირთი, რომელსაც ჩვენი ეკლესიის საჭეთმპყრობელობა, სულიერი შვილების და არა მარტო მათი, დამრიგებელი, ერის ბედნიერებისა და ძნელბედობის გამზიარებელი და მოსიყვარული სულიერი მოძღვარი ჰქვია.

უფლისმიერი სიყვარულითა და უღრმესი პატივისცემით,

**ირინა ნორაპიძე**  
*საქართველოს შრომის, ჯანმრთელობისა და სოციალური დაცვის სამინისტროს სამედიცინო მედიაციის სამსახურის უფროსის მრჩეველი*

შთაბეჭდილებას პატრიარქის შესახებ დავინყებდი უფლისადმი სამადლობელით, რომ მომეცა შესაძლებლობა შევხვედროდი და მესაუბრა მის უწმიდესობასთან.

ჩვენი შეხვედრა ხანმოკლე იყო, მაგრამ ჩვენმა საუბარმა, პირადად ჩემთვის, განსაკუთრებული ხასიათი შეიძინა. არ შემიძლია არ აღვნიშნო უბრალოება და უშუალოება პატრიარქთან საუბრისას და იმავდროულად განსაკუთრებული ყურადღება თანამოსაუბრისადმი.

იმ დღეს პატრიარქთან სხვადასხვა თემაზე ვისაუბრეთ და არ შეიძლებოდა არ გვერძნო გულწრფელობა და გულითადობა, რომელსაც ის ფლობდა. ნების-

მიერი თემა ან წინადადება მის ინტერესს იწვევდა. მისი ბაგეებიდან მოწოდება ჟღერდა: მიდით, იმუშავეთ, შემოგვთავაზეთ, მე მუდამ მზად ვარ მხარში დგომისათვის. ეს სიტყვები ძალზე ძვირფასია! არა მარტო ჩვენთან, არამედ ყველა გარემომოყოფთან იგი მარტივად და თბილად ლაპარაკობდა. ჩემ წინ ვხედავდი კეთილი სულის, ბუნებრივ ადამიანს გასწილი გულით. ადამიანს ცოცხალი, ღრმა რწმენით. ყოველი მისი სიტყვა გამსჭვალული იყო აფხაზეთისა და აფხაზი ხალხისადმი პატივისცემითა და ინტერესით. და მე ვგრძნობდი, რომ ამას იმიტომ კი არ აკეთებდა, რომ ჩემდამი კეთილგანწყობა გამოეხატა, არამედ იმიტომ, რომ ეს მისი

გულიდან მოდიოდა. და განსაკუთრებით მნიშვნელოვნად მომეჩვენა, რომ ყველაფერი, რაზედაც მესაუბრებოდა, არავითარ შემთხვევაში არ ატარებდა პოლიტიკურ ელფერს, არამედ თავისი არსით იყო ღრმად სულიერი. პატრიარქთან მეორედ შეხვედრისას საშუალება მომეცა მისი სახელით შემეძინა ხატები, რომლებიც ჩემთან სახლში ინახება.

მე ვიგრძენი ქართველი ხალხის სრულიად უსაზღვრო, ადამიანური სიყვარული მისი უწმიდესობისადმი და ვფიქრობ, პატრიარქმა იგი მოიპოვა არა ლამაზი სიტყვებით, არა დალაგებული თეორიებითა და გაშალაშინებული ფრაზებით, არამედ მტკიცე რწმენით და უფლისად-



მი, ხალხისა და ქვეყნისადმი მსახურებისათვის განეული დაუღალავი შრომით. არ შეიძლება შემუმჩნეველი დარჩეს მისი დამსახურება, რამეთუ ილია II პატრიარქობის პერიოდში მნიშვნელოვნად გაიზარდა ქართული მართლმადიდებელი

ეკლესიის ეპარქიათა რიცხვი, ტაძრებისა და მონასტრების რაოდენობა.

გულწრფელად გილოცავთ 80 წლის იუბილესა და აღსაყდრების 35-ე წლისთავს. გისურვებთ დღეგრძელობას და სულიერ და ხორციელ ჯანმრთელობას.

ცალკე მინდა მადლობა გადაგიხადოთ თბილი მიღებისათვის, ჩვენი შეხვედრებისას თქვენ მიერ გამოჩენილი ყურადღებისა და კეთილი დამოკიდებულებისათვის.

რულოფ ხაშაძე  
იურისტი

ოცდახუთსა — და — დეკემბერსა...

„ნათლითა ტკობას მოჭყენს ნამეოს, აწმეოს და მერმისს“, — ანკელთების ჯალობა და ჩურჩული გვემის. დღეების მეფე ხეტარ დილაღ დაგვათესდება — ამქვეყნად ხუბად ქრისტე იშვება ოცდახუთსა-და-დეკემბერსაო. ხუცეოს სვეტს საწულ-ღარბს ბევრსაო, ვარსკვლავს დააღვამს თავს ბეთლემსაო, მოსწმენდს ჯვარცმითა ცრემლებს ვრსაო. ოცდახუთსა-და-დეკემბერსაო... გულო, ჩამიდექ საუფლესაო! „გცივა? რაი ვენა მონამ უფლისამ?“ „გული გამიღე, კარი ვულისა... ოცდახუთსა-და-დეკემბერსაო სათუელ გამათბობს შენ სარუმელსაო... ჩავხუტებ დედის მეგრდსაო, ბავა მიწუნარებს ცივ ბეთლემსაო! არ ვებრალდები სასანსლესაო, თავჯანისცემად ვუსმობ მწვემსსაო, მოგვნიც მოსულანს, მწირვენი ძღვენსაო... ოცდახუთსა-და-დეკემბერსაო მოვედ ვანოფად!“...

ზათუმი. ზავშკონა. სოხუმის ქუჩა.

წივნებს და ვაშეთს რომ ვკითხულობ, ეს კიდევ არ ნიშნავს — სოლამი დავდივარ. ჯერ ისევ ზატარა ბიჭი ვარ (ამბობენ), სოხუმის ქუჩაზე ვცხოვრობ და მარტოღენ ჩემების — მშობლების და კიდევ ბებიას დარდი ვარ. ნაპირზე ცხელ ქვეშე დავბრძვარ, უფრო ვუკლებ მომავლის ავღრიდნს სიმღერას ხალხობისს ნამდვილად: „სოხუმი საქართველოა, ფესვები იქ ვაჰქვს ვეგლასო, განსოვლენ ქვეყნის ერთობა ევროპე ითხოვს შეგლასო...“ ახლა კი აწმეომი, წიბების ავღარმი, მაგნოლიებიან სლვისპირა ქალაქში, სოხუმის ქუჩაზე ბედნიერ ბავშვობას გავდივარ, იცილებს

სოხუმი წინსწახვას — ჯერ იგი სრულიად არა ჰგავს სხულის დაბეულ ტკივილებს. ეს კია — კარესს უღრღნია, წლებია, ამ ჩვენი მიწაწულის კედლები ცრემლით და გულს ცეცხლის ღებთა... მეორე რა, რომ ჩვენი ქუჩები ზღვას დამორება — ჭაობთან ახლოა. ვანა ზღვის სოტით და ჭაობის თავილით ვსაზღვრავთ ჩვენ სამშობლოს ავ-კარეს... ან ასეილით?! ეს ქუჩაც ზღვით მოსულ და მიწაწამოვლილ ტკივილებს განიცდის თავის წილს. უტუხურს მონია სამშობლოს არ უტკირს: მაქვს გარჯაც, ათონიც, ბედიაც... და თურმე ეს ქართლის ბედი — კარსტული მღვიმენიც, დრანდიც და ამბარაც დაჩება რალაც სნით აფრების ამბა... მაგრამ ჯერ ხანა სამოციანების... მშვიდობით! — ჩემ ზირველ ქუჩას ვეთხოვები, წინ მელის ესეგლასი ქუჩასთან შესვედრა... მესუთე სართული... ცარგვალს — ამ კომუნიდან მნათობთ რომ ვუცქირო — ვინმე თუ ევედრა მლოცველი ომუიდან! იწუება თამამი ესეგლასის ქუჩაზე, კოშკადება ბავშვობა — მოვლება ვანა ზღვამდე: ჯერ ვარსკვლავს მიწაწვენ ზედ გულის პურახზე — ცხადდება ხუთქიმა ბეჭდით ნიშნობა-დაწინდვა ვერაწუ! და როცა იბინებს ზატარა ქალაქი, კომუნიდან კარვად ჩანს ქუჩები-მარვლები: მთისძირის, სლვისპირის, თბილისის, ბაღების, ფერის, სოქის, სოხუმის, სლამბრების, მეფეთა, რუსთველის, აჭარის, ლამბრების, აუვის, ილიას, ვაჟის და აფრების... დღისით კი ვსოში და მეორე მის გარეთ გამოსულს მონია ქუჩებთან შესვედრით დავბერდი — ზაწია არსებას შინაშიან სიმტეხად აქ მისაფრდებიან ქუჩათა აბრები: მარქის და ლენინის, წითელარმიელის, ი. კალიაგვის, სერგოს და სვერდლოვის, ცეტკინის,

ლექსემბურგის, რეგოლუციის, ლუნახარსისა და კიდევ — მერყინსის... და როცა იბინებს ზატარა ქალაქი, კომუნიდან კარვად ჩანს ქუჩები-მარვლები, იმედიც, რომ არსად ერთმანეთს არ კვეთენ ლენინის, კ. მარქის, სვერდლოვის, ესეგლასის და სხვა მისთ. ქუჩები... როდემდე ვაძღვებ? ცხრა და შვიდი და ექვსი დღის წინ ბათუმში, რომელმაც იცვალა ფერების ფასადი, დასრულდა უგვანი აბრების ზარადი ჯორჯ ორუელისა და ფრანც კაფკას კომპარულ სიმბოლდან...

\* \* \*

ტექსტის ანარეკლთა სიღრმეიდან, წარსულის გაცვეთილ შიშშიდან მიცქერის თვალები, რომელთაც სურთ: დაბრუნდნენ ჭებერთ სახლებში, გაფრინდნენ ვერტმფრენით ლიხნისკენ, გაცურონ კატერით სოჭიდან, ახათონ იღორში სანთელი, იზოფონ ბავშვობა, რომელიც დამაღეს თოჯინის ფხულა თვალებში და თოჯინა მარცხენა ლულაში ბაღკობზე, სოხუმის ქუჩაზე, და აღარ წუღებოდეს სიმღერა მყოფადი დროების ურბობიდან: „სოხუმი საქართველოა, ტკივილს გვიბაშებს ვეგლასო... მტერს „ვაი დედა“ ვაძანათ და ჩვენ ვუტყვით „დედა-დედაო!“ ჩონჩური სოხუმი არის, სიმები ჩვენ ვართ ვეგლასო!“

\* \* \*

წივნებს და ვაშეთს რომ ვკითხულობ, ეს კიდევ არ ნიშნავს — სოლამი დავდივარ. ჯერ ისევ ზატარა ბიჭი ვარ (ამბობენ), სოხუმის ქუჩაზე ვცხოვრობ და მარტოღენ რუკაზე ვეფერები აფსაშეთს!

არქიმანდრიტი ალამი (ახალაქი)

მინდა ვისარგებლო შემთხვევით და დიდი მადლობა და მოკრძალებული სიყვარული გამოვხატო ჩვენი ერის სულიერი მამის, ჩვენი უსაყვარლესი და უნეტარესი კათოლიკოს-პატრიარქის მიმართ. მე და ჩემს ოჯახს სულითა და გულით გვსურს მივულოცოთ ეს ღირს-შესანიშნავი დღეები და ვუსურვოთ ჯანმრთელობა, კეთილდღეობა, დღე-გ

რძელობა. უფალს შევთხოვთ, დიდხანს გვიმყოფოს უწმიდესი ჩვენს იმედად და წინამძღოლად და კეთილდამრიგებლად, რადგან ქართველი ერი დღეს საჭიროებს მის თანადგომას, ბრძნულ სიტყვასა და გამხნეებებს, რათა უფსკრულის პირას მიყვანილი ჩვენი ქვეყანა არ შთანთქოს უსამართლობისა და უღმერთობის მორევება.

თქვენ, ჩვენო უნეტარესო, არაერთ ადამიანს გაუნოდეთ დახმარების ხელი და გადაარჩინეთ დაღუპვას და მეც მათ რიცხვს მივეკუთვნები. პატივისცემით, ამირან ბინაძე ოჯახით საქართველოს დამსახურებული სპორტსმენი, მსოფლიოს 2 გზის ჩემპიონი ორთაბრძოლებში

... ძალიან მნიშვნელოვანი იყო ჩემთვის კიდევ ერთი „დაისი“. იმ დღეს გამოცხადებული იყო „დონ შუანი“. აღმოჩნდა, რომ ორივე ტენორი, რომლებიც ოტავიოს პარტიას ასრულებდნენ, გახდა ავად. ვბჭობდით, რა გაგვეკეთებინა, სპექტაკლი რომ არ ჩაშლილიყო. ამ დროს მოვიდა ეთერ კობოძე, სიონის რეგენტი – ანტიოქიის პატრიარქი სტუმრობს ჩვენს პატრიარქს და უნდათ ქართული ოპერის მოსმენაო. უთხრეს, დღეს „დონ შუანი“ გამოცხადებულიო. „დონ შუანი“ არ მოვლენო. დასის მმართველი ნიკოლოზ ნადიბაიძე შემეკითხა, ხომ არ იმღერებ „დაისსო“. მე ვუთხარი, დიდი სიამოვნებით-მეთქი, თემურ გუგუშვილიც დათანხმდა და მაშინვე შევუთვალეთ საპატრიარქოს. „დაისზე“, როგორც წესი, ბევრი ხალხი ესწრება ხოლმე, 14-15 კაცი იყო „დონ შუანზე“ მოსული. ამ თითქმის ცარიელ დარბაზში უცებ გაიღო კარები, შემოვიდა საქართველოს მთელი სამღვდლოება, გაივსო ლოჟები, მერე ჩამოვიდნენ ამფითეატრში. ანტიოქიის პატრიარქის პატივსაცემად გამართული „დაისი“ იყო არნახული წარმოდგენა. სპექ-



ტაკლის შემდეგ უნმიდესმა შემოგვითვალა, ნუ ნახვალთ, სცენაზე ამოვალთო. მთელი სამღვდლოება ამობრძანდა, პატარა ოთახში შევედით, მოგვილოცა, დაგვლოცა ანტიოქიის პატრიარქმა, დაგვლოცა უნმიდესმა და მერე მითხრა: „ელდარ, ხვალ საღამოს მე და ანტიოქიის პატრიარქი ვწირავთ და ჩამოდი შენს ამხანაგებთან ერთად სიონში.“ რა თქმა უნდა, ჩავედით. როგორც კი დამინახეს, შემეყვანეს საკურთხეველში და პატრიარქმა გადმომცა ჯვარი, რომელსაც იმ დღიდან ვატარებ. მას აქვს უდიდესი ძალა, იმიტომ, რომ ორი

პატრიარქის ნაკურთხია. საარბრიუკენში ნოდარ ანდლულაძესთან, ცისანა ტატიშვილთან და თამარ გურგენიძესთან ერთად ვიმღერეთ ვერდის „ტრუბადური“ და ვბრუნდებოდით უკან. მოსკოვში ერთი აეროდრომიდან მეორეში გადაგვიყვანეს. თვითმფრინავში რამდენჯერმე აგვიყვანეს და ჩამოგვიყვანეს თბილისში უამინდობის გამო. მეშვიდეჯერ რომ ავედით, ნოდარი დაჯდა თავის ადგილზე სიტყვებით: „დავილაღე, აქედან ველარავინ ჩამიყვანსო“. მე მის უკან ვიჯექი. უცებ გავიგონე: „ულდარ, თუ იცი, რა ხდება, ბეჭებში სითბო ვიგრძენიო“, მერე ჩემკენ შემობრუნდა და მითხრა: „მიიხედე უკან!“ მივიხედე და უნმიდესისა და უნეტარესის გაცისკროვნებულმა სახემ შემომანათა. ის იყო პატრიარქი დაბრძანდა, რომ გაისმა ხმა: „შეიკარით ღვედები, თვითმფრინავი ასაფრენად მზადაა.“

**ელდარ ბენაძე,**  
საქართველოს სახალხო არტისტი  
ამონარიდი ნიგნიდან „უფალი  
სუფევს, მშვენიერება შეიმოსა“

განათლება მხოლოდ მაშინ აღწევს თავის ჭეშმარიტ მიზანს, როდესაც ის ეფუძნება ფუნდამენტურ მეცნიერებას და ძლიერ მორალურ პრინციპებს. ჩვენ მადლიერები ვართ თქვენი ღვაწლისათვის აფხაზეთში. ბევრი ჩვენგანი თქვენი დიდი მეცადინეობით დაადგა ჭეშმარიტ მართლმადიდებლურ გზას. თქვენი მსახურების 17 წელი, რომელიც ჩემს მშობლიურ ქალაქს წილად ერგო, უდი-

დესი სიკეთე და მადლია უფლისგან. ამ წლების მანძილზე, იმ არცთუ მარტივ საზოგადოებრივ გარემოში, გულის გასახარად და სულის გასაძლიერებლად ლოცვითა და სიყვარულით გასხივოსნებული, გზას გვინათებდით თითოეულ ჩვენგანს. ეს ყოველი სოხუმელისთვის ფასდაუდებელია. გულითადი სიხარულით ვუერთდები მართლმადიდებელი ქრისტიანული სამ-

ყაროს დღესასწაულს და მოკრძალებით, თაყვანისცემითა და ჭეშმარიტი სიყვარულით გილოცავთ აღსაყდრებიდან 35 და დაბადების 80 წლისთავს.  
**ნაზირა კაკულია**  
ივ. ჯავახიშვილის სახელობის თბილისის სახელმწიფო უნივერსიტეტის ეკონომიკისა და ბიზნესის ფაკულტეტის ასოცირებული პროფესორი

არსებობს ცხოვრებაში ნუთები, რომლებიც არასოდეს დაგავიწყდება და მათი გახსენება განუზომელი ძალითა და მადლით გავსებს. სული ზეიმობს, გულს აღმაფრენა ეუფლება და გინდა, ეს ბედნიერება უსასრულოდ გაგრძელდეს. ჩემთვის ასეთი ნუთები მის უნმიდესობას უკავშირდება, უფრო სწორად, იმ ბედნიერ მომენტს ჩემი ცხოვრებისას, როდესაც მომენიჭა უფლის ნყალობა და პატრიარქმა თავზე ხელის დადებით დამლოცა. უსაზღვრო სითბო და ნათელი გადმოვიდა ჩემზე და სიცოცხლის ენერჯია შემმატა.

მე, ერთი ჩვეულებრივი, ცოდვილი მოკვდავი, რამდენჯერმე გავხდი ღირსი ვყოფილიყავი შეხვედრაზე საპატრიარქოში. როდესაც ისმენ კათოლიკოს-პატრიარქის ქადაგებას ტაძარში, რწმენა გემატება, როდესაც უფლის სადიდებლად მუხლმოყრილი ლოცულობს, უჩვეულო განცდა ცრემლად გადმოდის. მაშინ კი, როდესაც ამ სპეტაკი წინამძღვრის გულითად საუბარს ვინრო წრეში უსმენ, უსმენ, როგორი სიყვარულით იგონებს ჩემს სამშობლოში, აფხაზეთში გატარებულ წლებს, სიხარულთან ერთად სიამაყეც გეუფლება, რომ ქართველი ხარ, იმ ერის

შვილი, რომელსაც წილად ხვდა ბედნიერება ჰყოლოდა ასეთი სულიერი მამა — ყველასათვის ახლობელი, ყველას ჭირისა და ლხინის მოზიარე, საიმედო მრჩეველი და დასაყრდენი ძნელბედობის ჟამს. გილოცავთ, თქვენო უნმიდესობავ, ერის მსახურებაში გატარებულ საიუბილეო თარიღებს და შევთხოვ უფალს, დიდხანს გამყოფოთ ჩვენს შემნედ და მფარველად. ულმესი მონივნებითა და თაყვანისცემით,  
**ციცინო ჯულუსიძე**  
მწერალი

**პატრიარქი მოგვილოცავს**

ღმერთო, ყველას გუგუშვი, ყველა მოკვდავს და ღვთისმოსავს, ახალი წლის მობრძანებას პატრიარქი მოგვილოცავს. სწელთ უბურია ერის მავა, სასთუმალთან ღამეს უთუგს, მისი ლოცვა შექნება, საქართველოს ყველა კეთხეს: „მებით, ჩსებით, სიყვარულით, გამრავლით და ტკეუთ ახო, გვისწაროდენ, გვისწაროდენ, ღვთის გულში გვაქვს სამოსახლო“.

გვენატრები დიდგლო და გვენატრები ბასიანო, უწმიდესის კურთხევითა დღე თენდება სასიამო: რაც ქართველმა იწადინა, რაც ქართველმა იოცნება, ავიწილება, რადგან ერის, ერის მამა იღლოცება. ახლა უნდა ვითამაროთ, ახლა უნდა ვიდგოთოთ, ღმერთიც გვლოცავს, გამრავლითო, სულ მარადის იყავითო. წარი რეკავს და გუგუშებს, მოგვიწოდებს დედო-წარი,

გიუგარდეთო, გიუგარდეთო, ქართლის მავის შემტეობარი. იბარდნება წარდანი და ვანი ფიფქეთ იოცნება, ღვთისმშობელი დაგვიფარავს, ერის მამა იღლოცება. ღმერთო ყველას გუგუშვი, ყველა მოკვდავს და ღვთისმოსავს, ქართველების ერთად უოფნას პატრიარქი მოგვილოცავს.

**მავა მიროტაძე**  
საქართველოს მწერალთა კავშირის წევრი  
ლადო ასათიანის სახელობის პრემიის ლაურეატი



# ჩვენი ღმერთი სტუმრები

პატრიარქის დახვედრის დღის  
მომსახ. 2012 წელი




დღის დღის აღსანიშნავი  
სადამო საპატრიარქოში.  
2012 წელი



სა. თამაზ შუშის სემინიის  
დღის აღნიშვნა.  
2012 წელი







ISSN 2298-0865



9 772298 086004 >

სარედაქციო კოლეგია: სვეტლანა ქეცბა, დეკანოზი ბიძინა (გუნია),  
ლია სენიაშვილი, ნოდარ სილაგაძე, ირინა ქეცბა  
პასუხისმგებელი რედაქტორი ციცილო ჯულუხიძე

სსიპ „სულიერებისა და კულტურის ცენტრი“

მისამართი: თბილისი, რუსთაველის გამზ. №37, IV სართ. ტელ.: 293-17-20, 599-05-96-11. ტირაჟი: 500 ცალი